

ORDENANZA Nº 14, REGULADORA DA TAXA POR OCUPACION DE TERREOS DE USO PÚBLICO MUNICIPAL CON MESAS, CADEIRAS, TRIBUNAS, TABOADOS E OUTROS ELEMENTOS ANÁLOGOS, CON FINALIDADE LUCRATIVA.

Art. 1º. Fundamento e natureza.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local e de conformidade co disposto na Lei 39/1988, de 28 de decembro, este Concello establece a Taxa pola ocupación de terreos de uso público municipal con mesas, cadeiras, tribunas, taboados e outros elementos análogos con finalidade lucrativa.

Art. 2º. Feito imponible.

1. Constitúe o feito imponible da taxa a utilización privativa ou aproveitamento especial do dominio público municipal polos conceptos que se sinalan no artigo primeiro.

Art. 3º. Suxeitos pasivos.

1. Son suxeitos pasivos contribuíntes as persoas físicas ou xurídicas e as entidades as que se refire o artigo 33 da Lei Xeral Tributaria, que disfruten ou aproveiten especialmente o dominio público municipal en beneficio particular, consonte algún dos supostos citados no artigo primeiro ou quen se beneficie do aproveitamento, se se efectuou sen a preceptiva autorización.

Art. 4º. Responsables.

1. Responderán solidariamente das obrigas tributarias do suxeito pasivo as persoas físicas ou xurídicas ás que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

(incremento IPC Xeral dende maio de 2012 ata xullo de 2013: 1,3 %):

Art. 5º. Cota tributaria.

Por cada m² de superficie ocupada 2,02 €/mes.

Art. 6º. Beneficios fiscais.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Art. 7º. Devengo.

1.- A obriga de pago nace:

a) Tratándose de concesións de novos aproveitamentos da vía pública, no momento de solicitar a correspondente licencia.

b) Tratándose de concesións de aproveitamentos xa autorizados, o día primeiro de cada un dos períodos naturais de tempo sinalados na tarifa.

2.- O pago da taxa efectuarase:

a) Tratándose de concesións de novos aproveitamentos por ingreso unha vez concedida a correspondente licenza ou autorización.

b) Tratándose de concesións de aproveitamentos xa autorizadas e prorrogadas: unha vez incluídas no padrón correspondente, no prazo que se sinale no edicto de exposición pública do padrón.

2. As cantidades esixibles liquidaranse por cada aproveitamento solicitado ou realizado sendo irreductibles polo período autorizado.

3.- Autorizada a concesión entenderase prorrogada mentres non se acorde a súa caducidade ou revogación ou se presente baixa xustificada polo interesado ou os seus representantes. A presentación da baixa surtirá efectos a partires do seguinte período natural de devengo. A non presentación da baixa determinará a obriga de continuar o aboamento da taxa.

Art. 8º. Infraccións e sancións.

2. Cualificarase como infracción leve o incumprimento do deber de solicitar a autorización ou licenza con carácter previo á utilización privativa ou o aproveitamento especial. Igual cualificación terá a ocupación superior á solicitada en tempo ou superficie e non poñer a disposición da Policía Local o xustificante ou documento de autorización cando lle sexa requirido nas funcións de control, inspección e vixilancia. Tales infraccións sancionaranse cunha multa de 6,00 a 750 euros por cada infracción simple cometida.

3. Cando se trate das obras que se executen inmediatamente polos graves prexuízos que a demora puidese producir poderán iniciarse as obras sen obter previamente a autorización municipal, sen que isto constitúa infracción tributaria. Neste caso o suxeito pasivo solicitará a licenza dentro das corenta e oito horas seguintes ao comezo das obras e xustificará a razón da súa urxencia. O incumprimento desta obriga será sancionable como infracción tributaria leve nos termos regulados no apartado 2 anterior.

Art. 9º. Xestión.

- As persoas ou entidades interesadas na concesión ou autorización para realizaros aproveitamentos sobre o dominio público municipal ó que fai referencia esta taxa deberán presentar unha solicitude por escrito na que se detalle o lugar para que se solicita, incluíndo a superficie do aproveitamento, os elementos a situar e un plano ou croquis detallados da superficie a ocupar.

- No suposto que se produciran desperfectos no pavimento ou nas instalacións da vía pública os titulares da licenza ou autorización deberán reintegrar o importe dos gastos de reconstrución e reparación derivados dos danos causados.

- As autorizacións terán carácter persoal e non poderán ser cedidas ou subarrendadas a terceiros. O incumprimento deste mandato dará lugar á anulación da autorización.

DISPOSICION FINAL:

A presente ordenanza foi modificada polo Pleno da Corporación o 26 de setembro de 2013, e entrará en vigor unha vez sexa publicada definitivamente no B.O.P, será de aplicación no momento da súa publicación. Publicada no BOP Nº280 7-12-13